

鄭

氏

爻

辰

補

易兼三才而天道爲大天垂象見吉凶聖人則以作易
故康成解易稽諸天象謂之爻辰或病其執滯不足盡
易之蘊不知眾星布列體生於地精成於天列居錯峙
各有道屬在朝象官在野象物在人象事三才交奧皆
萃於此然則爻辰之言天象於易獨見其大不可訾也
惜鄭注散佚見引於詩禮正義者僅十餘則棠謹依其
例逐爻補之歲厯一周稿凡三易區區私心竊謂已盡
然究未知所見果與康成有合否也丹徒戴棠記

鄭氏爻辰補

凡例

一爻辰取象有三例泰六五注云五爻辰在卯仲春之月坎上六云爻辰在巳巳爲蛇明夷六二云辰在酉酉在西方困九二云爻辰在未未爲土此以辰論四方五行十二月十二肖一也賁九三云位在辰得巽氣爲白馬明夷九三云九三爻在辰得巽氣爲股此以辰得卦氣二也比初六云爻辰在未上值東井井水人所汲坎六四云爻辰在丑丑上值斗斗上有建星形似簋困九

二云辰在未未上值天廚酒食象此以辰得宿象三也

張惠言周
易鄭荀義

一爻辰得宿象亦有二例坎六四云爻辰在丑上值斗斗上有建星形似簋此以形言者也困九二云辰在未未上值天廚酒食象此以所主之事言者也

一爻辰有以本宮宿取象者比初六有孚盈缶云爻辰在未上值東井井之水人所汲用缶汲器是也

一爻辰有以本宮附星取象者坎六四樽酒簋贰用缶納約自牖注爻辰在丑丑上值斗可以斟之象斗上有

建星建星之形似簋貳副也建星上有弁星弁星之形又如缶是也

一爻辰有以世爻取象者如離九三不鼓缶而歌注云艮爻也位近丑丑上值弁星弁星似缶是也

一爻辰有以承乘比應取象者如困于酒食注云二據初辰在未未爲土此二爲大夫有地之象未上值天廚酒食象乾鑿度孔子曰復表日角鄭注云表者人體之章識也名復者初震爻也震之體在卯日出於陽又初應在六四於辰在丑爲牛牛有角復人表象是也

一爻辰有以消息言者乾鑿度夬表升骨履文鄭注名

夬者五立於辰惠棟云據消息也爻辰在申在斗魁所指者張惠言云夬三

月卦斗建辰又五於人體當艮卦惠棟云艮為人於夬亦手體成棟

云艮其四則震爻也為足其三猶艮爻于十次值本

于析案于十次值本于析八字七曜之行起焉七者

屬文北斗在骨足履文夬人表之象明也是也案以上諸例皆

康成易注及乾鑿度注所有者是書謹以其例推之

一爻辰不盡以爻言如中孚豚魚吉注云三辰在亥為

豕四辰在丑為鼃蟹則卦辭以爻辰言也說卦震為大

塗注震上值房心塗而大者取房有三塗焉則說卦以
爻辰言也然爻辰究專指爻象故是書於爻辭謹依其
例補之而其餘則多未及

一以爻辰說易不獨康成如易緯乾鑿度

乾鑿度云孔子曰歲三百

六十日而天氣周八卦用事各四十五日方備歲焉故
艮漸正月巽漸二月坤漸七月乾漸九月而各以卦之
所言爲月也乾者天也終而爲萬物始北方萬物所始
也故乾位在於十月艮者止物者也故在四時之終位
在十二月巽者陰始順陽者也陽始壯於東南方故位
在四月坤者地之道也形正六月四維正紀經緯仲序
畢矣又曰乾坤陰陽之主也陽始於亥形於丑乾位
在西北陽祖微據始也陰始於巳形於未據正立位故
坤位在西南陰之正也君道倡始臣道終正是以乾史
位在亥坤位在未明以明陰陽之職定君臣之位也史

遷律書

見說卦帝

王充論衡

王充論衡云寅木也其禽虎也戌土也其禽犬也丑

未亦土也丑禽牛未禽羊也木勝土故犬與牛羊為虎

所服也亥水也其禽豕也巳火也其禽蛇也子亦水也

其禽鼠也午亦火也其禽馬也水勝火故豕食蛇火為

水所害故馬食鼠而腹脹又云酉雞也卯兔也申猴

也東方木也其星蒼龍也西方金其星白虎也南方火

也其星朱鳥也北方水也其星元武也天有四星之精

降生四獸之體以四獸驗之以十二辰之禽效之困

學紀聞云吉日庚午既差我馬午為馬之證也季冬出

土牛丑為牛之證也蔡邕月令論云十二辰之會五時

所食者必家人所畜丑牛未羊戌犬酉雞亥豕而已其

餘虎以下非食也月令正義云雞為木羊為火牛為土

大為金豕為水但陰陽取象多塗故午為馬酉為雞不

可一定也說文亦漢書律術志案漢書律術志載劉歆

韋昭國語注

見惠棟十二

均有其說易家如費直

見繫辭

園天地之化京房案房有周易分馬融明夷六二明夷

而不過注也日隨天左旋也無妄天命不佑行矣

馬融云般旋也日隨天左旋也無妄天命不佑行矣

哉釋文引馬融云謂天不右行繫辭大衍之數五十

其用四十有九易疏引馬融云易有太極謂北辰也太

極生兩儀兩儀生日月日月生四時四時生五行五行

生十二月十二月生二十四氣北辰居位不動其用四

十有九轉運而用也張惠言易義別錄以此太極謂北

辰推前天命不右行明夷于左般則馬以天行次舍說

易可知鄭氏父辰蓋亦從此出也北辰為太乙即極星

禮記曰夫禮必本于太乙分而荀九家見沫注繫辭範

為天地正與易言太極同義荀九家見沫注繫辭範

園天地之化而不過陸績見繫辭觀鳥何安陽氣潛藏

注說卦艮為狗注陸績獸之文注何安陽氣潛藏

集解引何安曰當十一月陽氣雖動猶在地中故云潛

龍也終日乾乾與時偕行何安曰此當三月陽氣浸

長萬物將盛與天之運俱行不息也或躍在淵乾道

乃革何安曰此當五月微陰初起陽將改變故云乃革

邵元之長甫凡刻

四

真曰三月不

也飛龍在天乃位乎天德何安曰此當七月萬物盛

長天功大成故曰天德也亢龍有悔與時偕極何安

曰此當九月陽氣大衰以及宋朱震漢上易傳案宋朱

向將極盡故云偕極也明何楷周易訂詁見說卦

圖說與鄭氏背然其注所說明何楷周易訂詁震為龍

頗有與鄭氏合者故採之俱用鄭氏爻辰易小帖見

注國朝毛奇齡仲氏易次六四明夷六二易小帖明

夷初九注小過徐文靖經言拾遺比初六泰六五賁六

飛鳥遺之音注帝出乎震震為龍注又見繫惠

夷六二困九二中字卦辭俱用鄭氏爻辰又見繫惠

辭斷木為杵掘地為日說卦帝出乎震震為龍注

棟易漢學有鄭氏爻辰並諸周易述見坤西南得朋坤

夷六五箕子錢大昕潛研堂文集有爻辰十二則悉採

之明夷注錢大昕潛研堂文集有爻辰十二則悉採

仲翔解虎尾虎視虎變皆以坤為虎譏俗儒以兌為虎

之失何也曰卦位坤在西南未申之間於天文參為白

虎正當實沈西方管輅傳亦云申未爲虎漢儒據禮左
蒼龍右白虎震爲龍則兌當爲虎然於天文未密故仲
翔議之案案兌在西方亦上值白虎錢大昕謂於天文
未密恐誤又云康成初習京氏易後從馬季長授費
氏易費氏有周易分野一莊存與味經齋遺書案味經
書其爻辰之法所從出乎莊存與味經齋遺書齋遺書
八卦觀象解二篇以卦象證天象不專指爻言王昶春
然爻卽在卦中且以鄭氏例推之亦多合者王昶春
融堂集有爻辰十二則悉採入王昶云易乾九二爻
則九三爲建辰之月九四爲建午之月陰氣始殺不宜
稱飛龍在天上九爲建戌之月羣陰旣盛不得言與時
偕極此時陽氣僅存何極之有諸儒此說於理稍乖此
乾之陽氣漸生似聖人漸出宜據十一月之後至建巳
之月已來乾坤之象其應然也孔氏黜鄭崇王故有是
難然又云陰陽二氣共成歲功故陰與之時仍有陽在
陽生之月尚有陰存所以六律六呂陰陽相間取象論
義與此不殊則又未嘗盡非鄭學也蓋陰陽大運無不
窮之矣凡列

有互乘交錯之理以天文言之日爲陽月爲陰歲爲陽
鎮爲陽太白辰爲陰斗魁爲陽尾爲陰天東南爲陽西
北爲陰以節候言之四月純陽用事陰在其中故靡草
死十月純陰用事陽在其中故薺菜生十二辟卦之升
降所以明二氣消息之端十二鍾律之法運所以明萬
物化生之本固有未可執彼而廢此者又云撰鄭易
學通常悉推其說罔不與天象合繫辭傳謂仰以觀于
天文及天垂象見吉凶聖人則之者於是益信而有徵
矣宋劉光四撰水村易說亦取星象爲證驗然劉氏取
象主於日所躔鄭君取象主於星所麗說各不同而又
不及鄭易之悉合且司馬遷律書次七政二十八舍以
通五行八政之氣已有是說而後漢書載費直周易分
野甚備鄭君傳費氏學則是爻辰之配其來有自故班
固律術志韋昭周語注率與鄭同何安注文亦從之
孔穎達之難其真張惠言周易鄭荀義十六則易義別
拘隅之見也夫

錄

張惠言丁小正

鄭氏易注後定序云爻辰者鄭氏之

所以求象

周易鄭荀義序云乾坤六爻上繫二十

周

鄭氏易注後定序云爻辰者鄭氏之

所以求象

周易鄭荀義序云乾坤六爻上繫二十

周

入宿依氣而定謂之爻辰易義別錄馬氏易序又云馬於象疏鄭合之以爻辰馬於人事雜鄭約之以周禮鄭精於馬黎世序河上易註見坤卦辭安貞吉損六五十朋之龜說卦震爲龍以上諸書凡所說與爻辰相關涉者悉爲採入

一王應麟輯康成易注一卷其序云今鄭注不傳其說聞見於李鼎祚集解及釋文詩三禮春秋義疏後漢書文選注因綴而錄之先儒象數之學於此猶有考云近世惠定宇因王氏採摭未備又不注其所出因重爲補正凡增入九十二條編新本鄭氏周易三卷較王本爲善然究非完書故是書有鄭注者以鄭注爲主其或有

注而注不全及注全亡者則以漢魏諸家所說補之若漢魏諸儒義或未洽則以國朝諸儒所說補之不敢妄參已見

一是書所取星名惟史記前後漢及晉隋諸史與開元占經所有者始敢採入若名之起於近代者概不敢引一甘石星經散佚已久世所傳者僞本而已茲所徵引皆從史漢晉隋諸史及唐開元占經採出庶幾可信一惠張兩家止有鄭氏爰辰圖而天文圖則未及茲補南北極兩圖庶幾展卷星象了然

一歷代星躔分宮互異是書一遵隋丹元子步天歌庶歸畫一

一惠張兩家止列乾坤分配十二辰圓圖其餘諸卦則未之及以他卦皆可從乾坤推也王昶更將十二辰分列六十四卦不待思索而象已見故從春融堂集採入一注書宜折衷於一是書於爻辰有兩說者悉附入注下所以廣異聞也


一康成以爻辰釋易三百八十四爻當無不可通然

棠

學術淺陋是書僅及一時所見及者補之其不能推者

仍闕如也尙祈博雅君子教棠不逮

鄭氏爻辰圖



周易乾鑿度曰乾陽也坤陰也並如而交錯行乾貞於

十一月子左行陽時六

康成注云貞正也初爻以此爲正次爻左右者各從次數之

坤貞於六月未

乾坤陰陽之主陰退一辰故貞於未

右行陰時六以順成

其歲歲終從於屯蒙

歲終則從其次屯蒙需訟是也

又云陰卦與陽卦

同位者退一辰以未爲貞其爻右行閒時而治六辰

陽陰

同位陰退一辰謂左右交錯相避

惠棟案乾鑿度之說與十二律相生


圖合鄭於周禮太師注云黃鐘初九也下生林鐘之初


六林鐘又上生泰簇之九二泰簇又下生南呂之六二

南呂又上生姑洗之九三姑洗又下生應鐘之六三應

鐘又上生蕤賓之九四蕤賓又上生大呂之六四大呂
又下生夷則之九五夷則又上生夾鐘之六五夾鐘又
下生無射之上九無射又上生中呂之上六韋昭注周
語云十一月黃鐘乾初九也十二月大呂坤六四也正
月泰族乾九二也二月夾鐘坤六五也三月姑洗乾九
三也四月中呂坤上六也五月蕤賓乾九四也六月林
鐘坤初六也七月夷則乾九五也八月南呂坤六二也
九月無射乾上九也十月應鐘坤六三也鄭氏注易陸
績注太元皆同前說是以何妥文言注以初九當十一

月九二當正月九三當三月九四當五月九五當七月
上九當九月也宋儒朱子發作十二律圖六二在巳六
三在卯六五在亥上六在酉是坤貞于未而左行其誤
甚矣





張惠言云八風行二十八舍隨斗左旋故鄭注月令云
正月宿值箕尾八月宿值昂畢六月宿值鬼又云值東
井九月宿值奎十月宿值營室又云卯宿值房星申宿
值參伐皆言斗建之次與此卦宿合 說詳帝出乎震
節注

王相六十四卦爻辰分配圖

乾 三三三 子寅辰

坤 三三三 未酉亥

屯 二三三 丑申巳

蒙 三三三 丑寅戌

需 三三三 丑寅辰

訟 三三三 未寅戌

師 三三三 未寅亥

比 三三三 未酉亥

小畜 三三三 丑寅辰

履 三三三 丑寅戌

泰 三三三 丑寅辰

否 三三三 未酉亥

同人 三三三 子寅辰

大有 三三三 子寅辰

謙 三三三 未酉辰

豫 三三三 未酉亥

邵氏之說

七

鄭云坤上六為蛇得陽氣雜似龍見詩正義

鄭云泰六五爻辰在卯見周禮疏

隨 ䷐ 子酉亥

蠱 ䷑ 未寅辰

鄭云蠱上九艮爻艮為山

臨 ䷒ 丑寅亥

觀 ䷓ 未酉亥

辰在戌得乾氣見禮記正

噬 ䷔ 午卯戌

賁 ䷖ 丑卯戌

義鄭云賁九三

剝 ䷖ 丑卯戌

復 ䷗ 丑卯巳

位在辰得巽氣見禮記正

无妄 ䷘ 午申戌

畜 ䷙ 丑卯戌

義鄭注乾鑿度

頤 ䷚ 丑卯戌

大過 ䷛ 未寅辰

云復六四於辰在丑剝六

坎 ䷜ 丑寅亥

離 ䷝ 午卯戌

五辰在卯鄭云大過上

咸 ䷞ 午申巳

恆 ䷟ 未寅辰

六位在此巳當巽位見禮

遯 ䷠ 午申戌

大壯 ䷡ 午卯巳

記正義鄭云坎六四


震 ䷲ 午酉巳	革 ䷰ 午申巳	困 ䷮ 午申巳	萃 ䷬ 午申巳	夬 ䷪ 午申巳	損 ䷨ 丑寅戌	蹇 ䷦ 丑申巳	家人 ䷤ 丑申戌	晉 ䷢ 午酉戌
---------------	---------------	---------------	---------------	---------------	---------------	---------------	----------------	---------------


艮 ䷳ 丑酉戌	鼎 ䷱ 午卯戌	井 ䷯ 丑申巳	升 ䷭ 丑卯巳	姤 ䷫ 午申戌	益 ䷩ 丑申戌	解 ䷧ 午卯巳	睽 ䷥ 午卯戌	明夷 ䷣ 丑酉巳
---------------	---------------	---------------	---------------	---------------	---------------	---------------	---------------	----------------


疏 在午見儀禮	廚酒食象又 云困四爻辰	鄭云困初辰 在未上值天	禮記正義	鄭云明夷六 二辰在酉見	羊疏	辰在巳見公	云坎上六爻	耶正義又	值斗見詩宛	辰在丑丑七
------------	----------------	----------------	------	----------------	----	-------	-------	------	-------	-------

巽上之月利

漸  未酉辰


豐  午酉辰


巽  未寅辰


渙  未寅亥


中孚  丑申亥


既濟  丑申巳

歸妹  午寅巳

旅  午酉辰

兌  午寅巳

節  丑申巳


小過  未酉辰


未濟  午卯戌

三

鄭云中孚三辰為亥四辰為丑見詩正義

近北極星






丑 官




寶 高




卯宮




辰宮




巳宮




午宮




未宮




西宮








亥宮




子宮













宮戌

天倉


三

赤道南圖







申宮




未宮




午宮






宮辰




赤道南圖


美



宮 寧

近南極星





鄭氏爻辰補卷一

丹徒戴棠著

乾

初九潛龍勿用

鄭康成注周易以變者爲占。故稱九稱六。易案初九辰

在子。上值紫微垣句陳。荊州占曰句陳者黃龍之位也。

開元子爲北方。屬水。龍潛於水。故曰潛龍。周易集解引馬融云物莫

大於龍。故借龍以喻天之陽氣也。初九建子之月。陽氣

始動於黃泉。既未萌芽。猶是潛伏。故曰潛龍也。案馬云

建子之月。是十二月消息卦。非鄭氏爻辰乾起于坤起

未。間時而主六辰之法也。然與爻辰相發明。故附錄之。

初九震爻。位近卯。房心尾屬之。爾雅大辰房心尾也。左傳疏引李巡注云。大辰蒼龍體。北堂書鈔引春秋運斗樞曰。房爲龍角。公羊疏引李巡云。大火蒼龍宿之心。以候四時。故曰大辰。僖五年左傳云。龍尾伏辰。故說卦云。震爲龍。

九二見龍在田

九二辰在寅。屬東方。淮南天文訓。東方木也。其獸蒼龍。高誘注。木色蒼。蒼龍順其色也。乾二上值箕尾。蒼龍之末。爾雅箕斗之間。漢津也。郭注。箕龍尾。出潛離隱。故云。邢疏云。箕在蒼龍之末。故云龍尾。見龍。鄭注。二於三才爲地道。地上卽田。故稱田也。集解

九三君子終曰乾乾

九三艮爻。位近寅。寅爲人之始。惠棟云。艮主斗。斗建十二辰。艮爲人。斗合於人。

統。鄭云。三於三才爲人道。有乾德而在人道。君子之象。

集解。案艮上值牽牛。尙書考靈曜曰。日月五星。冬至起牽

牛。徐堅初學記。於是日周天一終。故云終日。以乾接乾。故云

乾乾。

九四或躍在淵

九四震爻。上值蒼龍。與初爻同。九四辰又在午。石氏

星書云中宮黃帝。其精黃龍爲軒轅。張衡靈憲云。蒼龍

連蜺於左。白虎猛據於右。朱雀奮翼於前。靈龜匿首於後。黃龍軒轅於中。則軒轅一星。與蒼龍白虎朱雀元武四獸爲五矣。俱北堂書鈔乾九四值之。故有龍象。躍廣雅云上也。

九五飛龍在天

九五辰在申。上值畢附星咸池。黃帝占曰咸池一名黃龍。注云咸池者蒼龍之舍也。開元經龍飛而云在天者。鄭云五於三才爲天道。天者清明无形。而龍在焉。飛之象也。集解

上九亢龍有悔

上九辰在戌。上值紫微垣。句陳。荆州占曰。句陳黃龍之

位也。

開元占經

陽極於上。故亢。

集解引子夏傳亢極也。

鄭云堯之末年。

四凶在朝。是以有悔。未大凶也。

易疏

坤

西南得朋。東北喪朋。安貞吉。

漢書律術志載劉歆說三統者。天施地化人事之紀也。

十一月乾之初九。故黃鍾爲天統。六月坤之初六。故林

鍾爲地統。正月乾之九三。

宋祈云三當爲二。

故太簇爲人統。其

於三正也。黃鍾子爲天正，林鍾未之衝，丑爲地正，太族寅爲人正，三正正始。是以地正適其始，紐於陽，東北丑位。易曰：東北喪朋，遯終有慶，答應之道也。惠棟周易述故喪朋，地闕於丑，位在未。未衝丑，爲地正，承天之義也。故安貞吉。疏云：坤初六在未，未值西南，又坤之位，故得朋。六四在丑，丑值東北，陽位，故喪朋。漢書天文志曰：東北地事，天位是也。子爲天正，丑爲地正，初在未，四在丑，地正適其始，衝氣相通也。衝猶對也。淮南天文曰：其對爲衝。天開於子，地闕於丑，承天之義。漢楊震疏曰：臣聞師言，坤者陰精，當安靜承陽，然則坤之卦爻皆有承天之義，則此得朋喪朋，當指坤之一卦而言，故用劉氏之說，以爻辰釋之。乾元亨利貞貞字，子夏傳云：正也。黎世序河上易註曰：乾鑿度論爻辰曰：乾陽坤陰，並治而交錯行。乾貞於十一月子，左行陽時六，坤貞於六月未。

右行陰時六此以時之起處爲正

初六履霜堅冰至

鄭讀履爲禮

釋文

臧在東云鄭本經文當作禮鄭注之云禮讀爲履後人依注改經又依經改

注褚氏曰履霜者從初六至六三堅冰者從六四至上

六

易疏

案九月霜降在寒露後小雪前六二辰在酉

寒露

六三辰在亥小雪故云履霜從初六至六三也

十二月水澤腹堅六四辰在丑十二月也

案初六辰在未一陰始凝履二三

而知日後四五上陰必盛故言履霜堅冰至

六二直方大不習无不利

鄭云直也方也地之性此爻得中氣而在地。上自然之

性廣生萬物。故生動直而且方。禮深衣疏惠棟云。習重也。與

襲通。春秋傳曰。卜不襲吉。習吉。猶重吉也。不習者言不

煩再筮也。案六二辰在酉。得兌氣。兌為澤。龜。侯果損六五象注

龜主占卜。坤六二得陰之正。故不習无不利。

六三含章可貞。或從王事。无成有終。

六三辰在亥。上值壁。石氏讚曰。東壁主文章。開元占經三兌

爻。兌為口。說卦故含章。三失位。發得正。故可貞。惠棟周

易述注。乾為王。坤為事。三之上。終乾事。故或從王事。无

成有終。疏云。荀子曰。主道知人。臣道知事。坤臣道。故坤

爲事。三爲三公。得從王事。乾立於巳。爻辰上六亦在巳。故云三之上終乾事。

六四括囊

坤爲囊。

易九家

六四辰在丑。得艮氣。艮爲手。

說卦

四又巽爻。

巽爲繩直。

說卦

以艮手持巽繩。故云括囊。

前漢書囊括四海張晏注括結

囊也。

六五黃裳

六五辰在卯。得震氣。震爲元黃。

說卦

五又離爻。離爲黃。

鄭康

成易通卦驗注

位近午。上值七星。荊州星占曰。七星主衣裳文。

繡北堂書鈔故曰黃裳鄭云如舜試天子周公攝政隋書李德林傳

上六龍戰于野

鄭云上六為蛇易漢學云上六在巳案王充論衡云巳火也其禽蛇也故云上六為蛇得

乾氣雜似龍詩疏謂朱鳥白虎蒼龍玄武四方二十八宿之

者接也惠棟云乾西北之郊稱野說文云王位北方陰極陽生易曰龍戰于野戰

屯

初九 利建侯

初九辰在子王昶云子上值中宮天柱五星隋志云建

政教立圖法之府。故曰利建侯。春融堂集案子又上值女附

星十二諸侯。文獻通考十二國有十六星。齊一星在九

北一星曰越。越東二星曰周。周東南北列二星曰秦。秦

南二星曰代。代西一星曰晉。晉北一星曰韓。韓北一星

曰魏。魏西一星曰楚。楚南一星曰燕。其星有變各以其國。惠棟云古侯不世。賢則建

之二之初。故云建。

六二 乘馬班如匪寇婚媾女子貞不字十年乃

字

鄭云馬牝牡曰乘。釋文讀為畜馬乘之乘。案馬謂初也。初

震爻辰在卯。上值房。石氏曰房為天馬主車駕。開元二

乘初故乘馬震為馬作足

說卦故班如案班釋文云鄭作般文選西京賦注

云班與般古字通馬融云班班旋不進也鄭解般如當與馬同

九五坎爻坎為寇

服虔

左氏傳十年然五與二

陰陽相應五雖在坎中實匪寇也

婚媾也鄭云葍猶會也

易疏案一切經音義四引國語賈君注重昏曰媾毛詩候人

傳媾葍即媾案坎辰在子上值須女甘氏曰將有嫁娶厚也

占於須女

開元占經

故云婚媾士昏禮曰女子許嫁并而醴

之稱字二不許初故不字下互坤

繫上云天九地十

三動反正

陰陽氣通故十年乃字

六三即鹿無虞惟入于林中君子幾不如舍

釋名山足曰麓。案詩旱麓傳麓山足也周語引詩作旱鹿穀梁僖十四年傳林屬於山爲鹿與此經卽鹿無虞皆以屯上互艮爲山說卦三在山下故稱鹿爲麓鹿麓古字通麓卽論語包咸注云就也虞虞翻云謂虞人掌禽獸者案六三辰在亥上值室附星八魁文獻通考八魁主張禽獸之官蓋卽山虞也无虞以從禽徒入于林中不可獲也。幾鄭本作機云弩牙也。釋文案莊子齊物論云其發若機括釋文弩牙曰機舍謂舍拔詩駟鐵曰舍拔則獲毛傳拔矢末也三兌爻上值畢史記天官書畢主弋獵畢附星有參旗晉書天文志參旗一名天弓主司弓

弩之張。候變禦難。上乘五馬。與三不相應。往無所得。故曰機不如舍。

六四乘馬班如求婚媾

馬。謂初也。初震爻辰在卯。上值房。爾雅云。天駟房也。四乘初。故曰乘馬。班如解詳二爻四辰在丑。上值女。聖洽符曰。須女者。主娶嫁也。開元占經初以貴下賤。求四。故曰求婚媾。

九五屯其膏

九五辰在申。上值井。附星天樽。晉書天文志。天樽主盛饘粥。以給貧餒。膏象也。五陽主施。而膏澤不下於民。故

屯其膏。

上六乘馬班如

馬謂五也。五坎爻。坎於馬也。爲美脊。爲亟心。爲下首。爲

薄蹄。爲曳。

說卦

坎辰在子。上值危。附星造父。晉書天文志

造父。御官也。一曰司馬。上乘五。故曰乘馬。

班如解

屯上

體坎。上值虛。北宮候曰。虛主哭泣。

開元占經

故泣血漣如。

蒙。

初六發蒙。利用刑人。用說桎梏。

蒙下體坎。坎爲穿木。

虞翻注

鄭云。木在足曰桎。在手曰梏。

周禮大發動也

虞翻注

初動體兌。惠棟云。兌正秋。周書小

開武曰。秋以紀殺。案。兌上值昴。石氏讚曰。昴主獄事。

元開

占故利用刑人。坎象毀壞。故用說桎梏。王昶云。初六

辰在未。上值井。黃帝占云。東井主水。用法清平如水。故

曰利用刑人。用說桎梏。

春融堂集

九二包蒙吉。納婦吉。子克家。

包鄭云。當作彪。彪文也。

釋文

案廣雅釋詁。彪文也。法

彪文也。是

九二辰在寅。柳榮宗曰。王充論衡。寅木也。其

禽虎也。革九五。大人虎變。未占有孚。象曰。大人虎變。其

文炳也。虎以喻文。知彪亦然。故云彪蒙。

經義述聞云：藝文類聚引漢胡

廣徵士法高卿碑曰：彪童蒙，作世師。蔡邕處士園叔則碑曰：童蒙來求，彪之用文。又司徒袁公夫人馬氏靈表

曰：俾我小子蒙昧以彪，皆用蒙卦之辭。則九二之包蒙，當時諸家易說必有作彪而訓為文者。故鄭本之為說

二坎爻位近子。上值女。晉書天文志：須女主嫁娶，女附

星有十二諸侯。

詳見屯初

莊存與曰：禮曰：納女於天子曰備

百姓。十二國之象也。天子一取十二女，所以廣嗣重祖

也。故云納婦吉。

馬庚吉云：九二辰在寅，上值尾九星，為後宮之場。又值箕四星為后妃之府，有

婦象焉，故納婦吉。

二互震，辰在卯，上值心。史記天官書：大星天

王，前後星子屬。

索隱曰：鴻範五行傳云：心之大星，天子星，天王也。前星太子，後星庶子。故云子

克家。

六三勿用取女見金夫不有躬

初發成兌爲少女。

說卦

以陰居三不中不正故勿用取金

夫謂上也上辰在戌得乾氣乾爲金。

說卦

艮爲乾體故曰

金夫三互坤爲身。

虞翻家人上九象注

上不求三三求上故見金

夫不有躬。

六四困蒙吝

蒙上體艮六四辰在丑又得艮氣艮彖傳云艮止也案四无應遠於二爲艮所止故困吝。

六五童蒙吉

五互坤辰在未上值井附星子孫。文獻通考。丈人東二星曰子。子東三星曰孫。子與孫皆侍丈人之側。相扶而居。故有童象。陸績曰。六五陰爻在蒙暗。故蒙。集解

上九擊蒙不利爲寇利禦寇

擊。鄭作繫。釋文從馬融本也。案蒙上體艮爲手。說卦艮下有伏巽。巽爲繩直。說卦故云繫蒙。上與三應。三體坎五變。上動亦爲坎。坎辰在子。上值元枵之次。土虛而民耗。盜之象見矣。故上與三均有寇象。上逆乘五。故不利爲寇。上

鎮日多月利

辰在戌上值奎石氏讚曰奎主庫兵禁不時開元占經故利

禦寇禦釋詁云禁也

需

雲上於天

需下體乾辰在亥上值壁附星雲雨隋書天文志辟曜南四星曰雲雨在

北壁故云雲上於天

初九需于郊

初辰在子子屬北方初居乾之始乾位西北之地故稱

郊不犯坎難故需于郊

九二需于沙小有言

鄭注沙接水者。

詩鳧鷖疏

釋文云沙鄭作沚九經古義云沚

當作沚與沙同釋文作沚字之誤也案二坎中爻乃水

中之剛者故曰沚王昶云二辰在寅上值天江四星石

氏曰天江明動大水不具津梁不通故需于沙

春融趙堂集

彥修云九二坎爻上值室為姬訾之口故小有言案寅

又上值箕史記天官書箕為敖客曰口舌

索隱曰朱均云敖調弄也

箕以簸揚調弄為象又引詩云維南有箕載翕其舌又
詩緯云箕為天口主出氣是箕有舌象讒言故詩曰哆
兮哆兮成是南箕謂
為敖客行請謁也石氏曰箕舌一星芒動則大風不

出三日。箕舌動如翅。風揚沙。

開元占經

需于沙。小有言象之。

九三需于泥致寇至

三辰在辰。屬土。而與上坎接。坎為水。

說卦

以水沃土。使相

黏近。泥象也。

集解引荀氏曰。親與坎接。故稱泥。

三須止不進。故需于泥。

然外至之災。匪惟泥也。外卦坎為寇。

服虔左氏傳

十五年傳注坎辰

在子。上值室。附星壁壘陣。邾萌曰。陣星備武急。非其故。

兵起。

開元占經

案文獻通考。壁陣十二星在羽林北。橫列營室之南。羽林之垣壘也。星眾而明。則安。

希而動。則兵革起。

又值羽林軍。大象列星圖曰。羽林四十五星。

三三而聚。在壘壁南。主天軍。

太平御覽

又值鈇鉞。邾萌曰。星

欲不明。明若動。皆為鉄鑽用。

開元占經 莊存與云 林氏軍壘壁陣鉄鑽之屬

以設守衛。示武威。需曰。致寇至。致人不致於人也。

三居乾坎之交。故致寇至。馬

吉曰。需九三。辰在辰。上值角星。右角為天田。故曰需于泥。左角為將主兵。故有寇象。

六四需于血。出自穴。

六四坎體。坎為血卦。

說卦

陽為陰凝。故需于血。六四辰在

丑。得艮氣。艮為穴居。

虞翻繫辭注

荀九家曰。雲從地出。上升

於天。自地出者。莫不由穴也。

集解

九五需于酒食。

五互離。辰在午。上值柳。史記天官書。柳主尙食。和滋味。

柳附星有酒旗。文獻通考酒旗。酒官之旗也。主宴享飲食。故需于酒食。需者。五需二也。集解引荀爽曰。五互坎。坎水在火上。酒食之象。

上六入于穴。有不速之客三人來。

穴。謂四。荀爽曰。需道已終。雲當下入穴也。

穴字解見六四

雲上

升極。則降而爲雨。故詩曰。朝躋於西。崇朝其雨。則還入

地。故曰入于穴。雲雨入地。則下三陽動而自至者也。

集解

案易例。內爲主。外爲客。內爲來。外爲往。需乾在內卦。稱

客。稱來者。惠棟云。以乾往居上。故稱客。客對主言。坎爲

主人。據主召客。故稱來。上辰在巳。上值翼。天官書曰。翼

主遠客。隋志翼主夷狄遠客負海之賓。北音讀速爲需。需須也。不速之客。卽不需之客。乾三陽。故稱三人訟。

初六不永所事小有言

初六辰在未。得坤氣。坤爲永。

虞翻益六二注

爲事。

虞翻坤六三注

訟不

可長。故不永所事。初變兌爲口舌。

說卦

辰在酉。上值昴附

星卷舌。晉書天文志卷舌六星在昴北。主口語。以知佞讒也。故小有言。

九二不克訟歸而逋其邑人三百戶无眚

鄭云小國之下大夫采地方一成其定稅三百家故三

百戶也。禮雜記疏不易之田歲種之一易之田休一歲乃種

再易之田休二歲乃種言至薄也。易疏案鄭注困二云二

據初辰在未未為土此二為大夫有地之象張惠言云

訟二與困二同象邑人謂初為二臣也唯一爻故一成

以人言故三百戶見其薄也。九二坎爻辰在子上值虛危開元占經引鄒萌曰虛

主邑居又引巫咸曰危為百姓市又為架構故有邑人三百戶象

六三食舊德貞厲終吉或從王事无成

許慎五經異義曰爻位三為三公曰食舊德食父故祿

也。詩文案三辰在亥。上值紫微垣。句陳石氏讚曰。句陳

大星配輔臣。開元經鄭司農曰。句陳主三公。三得乾氣。乾

為舊。虞翻井初六注為德。姚信繫三承上三乾。故食舊德。上

辰在戌。得乾氣。乾為王。虞翻坤六三注三從上。故或從王事。三

兌爻。辰在酉。上值昴。張衡云。昴明則獄訟平。文獻通考訟不

可成。故无成。

九四不克訟復即命渝安貞吉

命。謂五也。九五辰在申。上值參。王祿曰。參中央大星主

命。開元經案。二以惡德受服。五為聽訟之主。奪二與四。故

不克訟。復即聽訟者之命。渝鄭云然也。釋文

九五訟元吉

九五。辰在申。上值參。春秋元命包曰。參主權衡。所以平理也。開元占經五居尊位。為訟之主。聽訟得其中正。故元吉。

上九或錫鞶帶終朝三褫之

褫。鄭作拖。釋文說文褫。奪衣也。又云。鞶帶。佩鞶之帶。讀若池。褫。拖。音相近。

中車疏。案士昏禮。庶母及門內施鞶。注云。鞶。鞶囊也。男鞶革。女鞶絲。此以盛帨巾之屬。與馬融以鞶帶為大帶衣案。上九辰在戌。得乾氣。侯果曰。乾為衣。為言。故以訟受服。集馬融曰。旦至食時為終朝。釋文乾為晝。上居卦

終。故爲終朝。乾稱三。故三拖。九經古義云。淮南人間訓。秦牛缺遇盜。拖其衣被。高注。拖。奪也。拖與襪字異。而義同。梟以道讀爲拖。紳之拖。楊慎以爲終朝三拖。之以誇於人。眞強解事也。

師

初六師出以律。否臧凶。

二體坎。又坎爻。辰在子。屬水。釋言曰。坎律銓也。樊光注。

曰。坎卦水也。水性平。律亦平。左傳宣十二年疏故集解引荀九。

家云。坎爲法律。初爲出師之始。以律謂從二也。初不從。

二。而變兌。折坎律壞。故凶。左氏宣十五年傳曰。執事順。

成爲臧。逆爲否。黎世序云。古者太師執同律。以聽軍聲。師之強弱。律應之。故謂軍之紀法爲律。

坎爲法律。又坎爲正北之位。袁堃曰。初辰在未。上值東黃鍾之宮。起於冬至。亦律也。井黃帝占曰。東井主水。用法清平如水。開元占經故云師出以律。

九二在師中吉无咎王三錫命

釋文云。錫。鄭作賜。賜與錫同義。師中。卽春秋傳所謂將中軍者。師克在和。二以中德而行和道。故吉无咎。二辰在寅。上值斗。荊州星占云。南斗主爵祿。北堂書鈔故有錫命。

錫命以三爲度。周禮一命受職。再命受服。三命受位。王

荀爽云。謂二也。

集解

二至五歷三爻。故三錫。

六三師或輿尸凶

三互坤為大輿。

說卦

又為尸。

虞翻注

集解引宋衷云弟子謂六三也。失位乘陽處非

所據。眾不聽從。師人分北。或敗績死亡。輿尸而還。故曰弟子輿尸。謂使不當其職也。坤辰在未。上值輿鬼。却萌曰。弧射狼。誤中參左肩。輿尸於鬼。

開元占經故

云師或輿尸凶。

案六五亦互坤。故云輿尸與三同。

汪喜荀曰。釋詁云。

尸主也。師之進退以輿為主。三辰在亥。上值危附星車

府。文獻通考。車府主官車之府。故云輿尸。

案六五弟子輿尸。即指六

三也。解全。

六四師左次

左氏莊三年傳曰。凡師。一宿爲舍。再宿爲信。過信爲次。師左次者。惠棟云。管子曰。春生於左。秋殺於右。董子曰。木居左。金居右。二體震。震爲春。爲木。故爲左也。

六五田有禽。利執言。无咎。長子帥師。弟子輿尸。貞

凶

六五體坤爲田。

虞翻繫辭注

五又離爻。離爲飛鳥。

荀爽明夷初九注

辰在午。上值鶉火之次。

分野略例。自柳七度至張十七度。於辰在午。爲鶉火。南方爲火。

言五月之時。陽氣始降。火星昏中。在七星朱鳥之處。故曰鶉火。

柳星張屬之。

文獻通考引石氏星

經。南方朱鳥七宿。井首鬼目。柳星張屬。

故曰有禽。

五辰在卯。得

柳星張屬。翼翻軫尾。

震氣震為言。

虞翻注

五失位。二之五得位。互艮為手。

說卦

利執言。

管城碩記云。此當為田獵教戰而言也。周禮大司馬之職。仲春教振旅。遂以蒐田。仲夏教芟舍

遂以苗田。仲秋教治兵。遂以獮田。仲冬教大閱。遂以狩

田。田則春夏獻禽。秋冬致禽之事。故曰有禽。田則有表

貉。誓民讀書契。載事號戒。眾庶皆賴有言。以宣之。故曰利執言。

莊氏曰。長子謂九二

德長於人也。弟子謂六三德劣於物也。

史徵周易口訣義

案二

辰在寅。上值斗。甘氏曰。南斗主兵。

開元占經故云長子帥師。

公羊傳將尊師眾稱某帥師

輿尸解見六三

上六大君有命開國承家

命。鄭云。謂所受天命也。

文選注

上六辰在巳。得巽氣。巽為

命令。陸績巽象傳注已又上值紫微垣北斗。春秋元命包曰。斗

為帝令。開元占經故云大君有命。荀九家云。開國封諸侯。承

家立大夫也。集解

比

初六有孚比之无咎有孚盈缶終來有它吉

初孚五比五也。案五體坎。又坎爻辰在子。屬水。坎彖云。

水行險而不失其信。故有孚。集解引荀爽曰。初在應外。以喻殊俗。聖王之信。光被

四表。絕域殊俗。皆來親比。故无咎也。盈孚者。鄭云。爻辰在未。上值東井。井

之水。人所汲用。缶。汲器。詩宛邱疏。易漢學注云。春秋元命包曰。東井八星主水衡。

案春秋襄九年宋災。左傳云。具綆缶。備水器。則缶者汲水之器也。劉成忠曰。初六辰在未。未爲土。初體坤。又得坤氣。坤器爲缶。虞翻注。惠棟云。坤爲土。爲器。比上缶者。土器。故曰坤氣爲缶也。體坎爲信。易乾鑿度。故爲孚。坎水流坤。故盈缶。終來及初。非應。故曰宅。漢上易傳引子夏傳云。非應稱宅。

六二比之自內貞吉

六二離爻。位近午。上值紫微垣四輔。春秋緯曰。輔星明近。則輔臣親厚。開元占經。文獻通考。四輔。輔佐北帝而出度授政。二爲內主。而比附於五。則內皆比之。王昶云。六

二辰在酉。上值紫微少衛。二內比五。猶少衛之列紫宮。
故曰比之自內。春融堂集

六三比之匪人

六三辰在亥。得乾氣。乾爲人。虞翻履象注三比坤滅乾。故匪

人。匪馬融云。非也。釋文

六四外比之貞吉

四辰在丑。上值南斗。甘氏曰。南斗星大明。將相同心。元

占故四外比於五。正應初。故貞吉。

九五 王用三驅失前禽

初六巽爻辰在巳上值軫爲鶉火之次

分野略例自張十八度至軫十

一度於辰在巳爲鶉尾南方朱

初在二前故云前禽

沈懋

雀七宿以軫爲尾故曰鶉尾

日上爻在五前上六辰在巳

亦爲鶉尾之次前禽上六也九五辰在申上值畢史記

天官書畢曰罕車爲邊兵主弋獵三驅鄭作毆義云說

文驅馬馳也古文作毆從支漢書以毆爲驅康成

傳費氏易費直本皆古字號古文易當從之是正云驅

禽而射之三則已發軍禮失前禽者謂禽在前來者不

逆而射旁去又不射惟其走者順而射之不中亦已是

皆所失用兵之法亦如之降者不禁背敵不殺以仁恩

養威之道

秋官士師疏

左

氏桓四年疏

上六比之无首

上九辰在戌得乾氣乾爲首。說卦九變而六故无首。

小畜

小畜亨密雲不雨自我西郊

小畜互兌兌正秋屬西方故爲西郊辰在西上值畢詩漸漸之石云月離于畢俾滂沱矣傳畢躅也月離陰星則雨故有雨象高誘呂氏春秋注云雲西行則雨今自我西郊而不雨者陰劣不能固陽畜道未成故也我謂四小畜下體乾乾鑿度云乾位西北故稱郊乾辰在

亥。上值壁附星雲雨四星。開元占經引甘氏曰。雲雨興和。休祈茂孳。小畜密

雲不雨者。雲山澤氣也。兌為澤。在乾上。未成坎。故不雨。

初九復自道

復反也。雜卦初九震爻。震為道。虞翻履位近卯。上值房。史

記索隱引尚書運期授曰。所謂房四表之道。宋均注云。四星間有三道。日月五星所從出入也。故云復自道。

九二牽復

九二辰在寅。得艮氣。艮手持。九家繫故云牽。二與初相

牽而復。故云牽復。

九三與說輻夫妻反目

鄭注輶伏菟也。釋文易疏釋之謂輿下縛木與軸相連鉤

心之木是也。毛西河云吳澄謂輻卽輶今人多非之謂輶伏菟也在軸之上承輿者車不行則脫

之矣輻輪中直木老子所謂三十輻共一轂必輪破轆裂然後可脫與大畜脫輶不同然康成卽以輻爲輶或

古文無定字或輻輶字古相通王昶云九三辰在辰上值軫巫咸云

軫天車三矢中故曰輿脫輻。春融案三又上值氏附星

天輻文獻通考天輻兩黃星主鸞駕互兌爲毀折。說卦亦

說輻象也。小畜下體乾辰在戌上值奎附星王良開元占經引河圖曰王良天子奉車故九三象之

九三得巽氣巽爲多白眼。說卦案反目爲眚說文曰眚

多白眼也。三陽四陰異體相比以妻乘夫。故至於反目。
六四有孚血去惕出无咎

有孚謂孚五也。小畜通豫。豫四體坎。辰在子。張惠言云。
坎正十一月。陰陽會於壬。牝坤生復。故說卦云。坎爲血。
卦。惠棟虞氏逸象注。坎爲加憂。故爲惕。豫變小畜。坎象
不見。故血去惕出。得位承五。故无咎。

九五 富以其鄰

富以其鄰。謂富及臣鄰也。姚配中云。爵以馭貴。祿以馭
富。加地進律皆所以富之。

案五坎爻。辰在子。上值虛附星司祿。文獻通考云。司祿

主爵祿。又值危附星天鉤。宋均曰。天鉤九星主珍異。令
賜諸侯。亦所以顯異之也。開元占經引禮緯合文嘉注故曰富以其
鄰。

上九既雨既處尚德載婦貞厲月幾望

二變三體坎。坎水零爲雨。虞翻注上九辰在亥。上

體巽爲處。虞翻注上畜道已成。故既雨既處。上變爲坎。

辰在子。上值女附星車府。重坎積載在車上。故尚德載。

袁望云。尚上也。上積德。則民載之。案上九辰在戌。得乾氣。姚信繫辭注。乾爲德。馬融小畜九三。津乾爲車。故云。

尚德婦。謂四也。四辰在丑。上值女。宋中興天文志。石氏

云女一名嫠女。左傳昭公十年有星出於嫠女。杜預注。

嫠女爲已嫁之女。

文獻通考

故稱婦。四得位。故言貞。坎成巽。

壞。故貞厲。春秋元命包曰。太陰水精爲月。

北堂書鈔

坎爲水。

說故爲月。上九辰在戌。得乾氣。十五日乾象盈甲。

案卦內乾

卦。外巽。十五日乾象盈甲。十六日巽象退辛。此納甲法也。

與爻辰無涉。然上得乾氣。十五日乾象盈甲。爻固有此氣也。故借納。既望。孟喜以爲十六日也。

晁氏易拾遺

月大則十

六日爲望。若月小。則十五日爲望。漢書李尋傳。月者眾陰之長。消息見伏。百里爲品。十里立表。萬里遠紀。死后

大臣諸侯之象也。朔晦正終始。弦爲繩。望成君德。春夏南。秋冬北。

履

初九素履

乾鑿度曰。大素者。質之始。鄭注。尙書大傳曰。素猶始也。初九坎爻。辰在子。釋名。子。孳也。陽氣始萌。孳生於下也。畢沅疏證云。白虎通云。子者。孳也。史記律書云。子者。滋也。滋者。言萬物滋於下也。滋與孳通。漢書律術志曰。孳萌於子。初爲履始。故曰素履。

九二履道坦坦幽人貞吉

二失位。變成震。辰在卯。上值房。天鏡經。房南間爲上道。中間爲中道。北間爲下道。故云履道。蒼頡篇云。坦著也。周易述曰。幽人。謂幽繫之人。尸子曰。文王幽於

羨里。太平御覽荀子曰。公侯失禮則幽。王霸篇俗謂高士為幽

人。非也。案九二坎爻。辰在子。上值危附星。天壘城。巫咸

曰。天壘十三星。如貫索狀。開元占經故象幽人。

六三 履虎尾。咥人凶。武人爲于大君。

六三體兌。又兌爻。辰在酉。上值大梁之次。胃昂畢屬之。

邢昺爾雅疏。四方皆有七宿。各成一形。東方成龍形。西方成虎形。南方成鳥形。北方成龜形。黎世序云。震居

東方。爲蒼龍。兌居西方。爲白虎。故馬融云。兌爲虎。頤卦

兌乘秋殺之氣。故易以兌爲虎。釋文兌又爲口。說卦三爲虎口。故咥人凶。王昶云。六三辰在亥。上值虛哭泣四星。故

咥人凶。三辰在亥。得乾氣。乾爲武人。虞翻注上值壁附星

羽林軍。邰萌曰。羽林一名材官。主翼主。黃帝占曰。羽林

星三三而居。行列相隨。守衛之官也。其星實而眾明。王

者吉。並開元占經故曰為于大君。為助也。國策魏策臣請問文之為魏注王

昶云。亥上值司危二星。甘氏曰。司危驕逸亡下。故曰武人為于大君。案王說於義似未晰。故更之。

九四履虎尾愬愬終吉

三兌為虎。見上辰在西。屬西方。石氏曰。西宮白帝。其精白

虎為七宿。文獻通考四乾體。與兌絕。四履兌初。敬慎愬愬。子

夏傳云。愬愬恐懼之貌也。口訣義王昶云。九四辰在午。

上值柳鬼。與西方白虎七宿近。故曰履虎尾。春融堂集案。王昶

說以五辰在申。上值畢觜參五爲虎而四履之也。

九五夬履

九五辰在申。上值紫微垣天皇帝。開元占經引皇帝占曰天皇帝大帝名

耀魄寶。主天子。張惠言云。夬剛決柔也。五履帝位。正乾象下出符命。

決坤之義。故曰夬履。

上九視履考祥其旋元吉

視謂視三也。上九辰在亥。上值奎。晉書天文志曰奎西

南大星。所謂天豕目也。故有視象祥。鄭本作詳。丙子學

考祥。古本作考詳。晁氏曰荀作詳。云履道之終。考正詳審也。文意尤順。案荀義與鄭同。

備易氏案上鑒三故考詳旋廣雅釋詁還也三上易位故其旋元吉

泰

初九拔茅茹以其彙征吉

初九震爻太元云震爲茅茹茅根也震位近卯上值氏

漢書天文志曰氏爲天根

案爾雅釋天壽星角亢也天根氏也注角亢下繫於氏若

木之有根

故云茅茹三陽並進故拔茅茹以其彙鄭云彙類

也茹牽引也茅喻君有絜白之德臣下引其類而仕之

漢書劉

向傳注

九二包荒用馮河不遐遺朋亡得尙于中行

鄭注荒讀為康虛也。釋文九經古義云穀梁傳云四穀不升謂之康康是虛荒之名

翟元從之云二五相應五虛无陽二上包之。集馮河錢解

大昕云寅上值天漢雲漢天河也。潛研堂文集案爾雅析木謂之津箕斗

之間漢津也郭注箕龍尾斗南斗天漢之津梁。趙彥修云二坎爻辰在子上值潢史記索隱引元命包曰潢

主河渠而九家說卦云坎為河又與爻辰適合五馮河居坎外與二福河馮河而往以就於五故遠不遺馮河

釋訓曰徒涉遐釋詁曰遠也遺谷風棄予如遺毛傳亡

也二得艮氣為友。虞翻兌象注故曰朋二升五降故朋亡既

濟定故得尙于中行

九三 于食有福

惠棟云。食讀如食舊德之食。案九三艮爻辰在丑。上值紫微垣天廚。晉志天廚主盛饌。鄭樵通志曰。天廚天子百官之廚也。丑又上值斗。荆州星占曰。南斗主爵祿。北堂書鈔故云于食有福。

六四 翩翩不富以其鄰

六四辰在丑。上值斗。荆州星占曰。南斗主爵祿。北堂書鈔富以其鄰。謂爵祿及臣鄰也。四陰虛无陽。故不富。王昶云石氏曰斗將相爵祿之位。巫咸曰。南斗天機大明將相同心。故曰不富以其鄰。案王昶說於不富意未合。故以易本象

之補

六五帝乙歸妹以祉元吉

鄭云。五爻辰在卯。春爲陽中。萬物以生。生育者。嫁娶之貴。仲春之月。嫁娶男女之禮。福祿大吉。周禮天官媒氏疏張惠言云。

通典嘉禮嫁娶時月議引張融云。易泰卦六五帝乙歸妹。以祉元吉。舊說六五辰在卯。春爲陽中。萬物生育。嫁娶大吉也。卽鄭此注。經言拾遺云。易緯曰。易之帝乙爲湯。又京房易傳載湯歸妹之辭。舊皆以帝乙爲湯。而書多士又云。自成湯至于帝乙。罔不明德恤祀。兩說先儒未知孰是。據左傳哀公九年。晉趙鞅卜救鄭陽虎以周易筮之。遇泰之需。曰。微子啓。帝乙之元子也。朱鄭甥舅也。祉。祿也。是帝乙之元子。歸妹而有吉祿。我安得吉焉。乃止。則帝乙爲紂父無疑矣。

上六城復于隍勿用師自邑告命

上六辰在巳。上值少微垣長垣。巫咸曰：長垣四星，城邑

相包。

開元占經

故有城象。泰反成否。上反於下。故城復于隍。

鄭云：隍，壑也。

詩韓奕疏

易疏引子夏傳云：隍，城下池也。又說文：隍，城池。有水曰池。無水曰隍。

巳上值太微垣虎賁。巫咸曰：虎賁，騎士主旄頭。

開元占經

案廣雅：釋天，昴謂之旄頭。疏證云：天官書云：昴曰髦頭。漢書天文志：髦作旄。晉書天文志：昴為旄頭。昴畢間

為天街。天子出旄頭罕畢以前驅。此其義也。

用師象也。三陰乘陽，故戒以勿

用師。

人主所居謂之邑。

日知錄云：詩曰：商邑翼翼，四方之極。書曰：惟尹躬先見于

西邑。夏曰：惟臣附于大邑。周曰：作新大邑于東國洛。曰：肆子敢求爾于天邑。商曰：虎通曰：夏曰：夏邑，商曰：商邑。

周曰京師是也案已上值北斗元命包曰斗為人君之

象而號令之主也開元占經上六又得巽氣巽為命令陸績巽象

注故自邑告命

否

初六拔茅茹以其彙

初六辰在未上值柳史記天官書曰柳為鳥注主草木

索隱曰案漢書天文志注作喙爾雅云鳥喙謂之柳孫炎云喙朱鳥之口柳其星聚也以注為柳星故主草木

也故有茅象三拔茅而及茹茹謂初以其彙謂初與二

三同類承五集解引荀九家云彙者類也合體同包謂三爻同類相連欲在下也

六二包承

朱升易注以承作裔。牛牲也。謂苞苴饋遺之事。周禮天官序官

庖人注。裹案。六二離爻。位近午。上值柳。荊州星占。柳爲肉。曰苞苴。

天廚。北堂書鈔。石氏曰。柳主尙食。和滋味。開元占經。故云包承。六

辰在酉。上值昴畢。昴之言留。莊存與云。天上地下曰否。留所以閉萬物也。日月之所入。天地之所比也。閉則亂。閉其所以亂。則治。陰不侵陽。臣不干君。子不違父。婦不逆夫。小人不亢。君子四夷不偏中國。故曰包承。小人吉。順也。昴畢之間爲天街。禁防設而聲教未嘗不通。來勿拒。去勿追。大人否。閉其門也。制御之常道得。則亨矣。

六三包羞

朱升易注以羞爲饋羞。謂腥醢膾炙醢醬之屬。非食品。

之正較喬抑末矣。案六三兌爻。上值胃。晉志胃二星。注一作三。天之廚藏。故云包羞。仲氏易云。左傳陳厲公生。敬星。奉之以玉帛。諸語。以卦中互艮互巽。艮為門。庭巽為果。藟乾為金玉。坤為布帛。俱有庭實之象。與朱氏苞苴餽享諸說甚合。

九四有命无咎疇離祉

九五互巽為命令。

陸績巽彖傳注

辰在巳。上值紫微垣北斗。春

秋元命包曰。斗為帝令。

開元占經

四授五命。以據三陰。故无

咎。疇。鄭本作鬲字。

釋文

張惠言周易鄭氏注云。孫

字也。鄭氏於易何獨取此一古字。以別於眾字。考古訓誰也之疇字。作鬲與田疇字不同。疑鄭氏經本作鬲。而

訓為誰。陸氏不察，以為古疇字也。爾雅：疇，孰也。祉，福也。集

誰也。郭璞注亦引此句為證。蓋本鄭義也。解
九家否上體乾為福。虞翻繫九四辰在午得離氣。離者

麗也。序故云疇離祉。

九五 其亡其亡繫于苞桑

九五互巽為桑。虞翻无妄位近辰上值角。石氏曰：角春

夏為木。占經故有桑象。鄭云：苞，植也。否世之人不知聖

人有命。咸云：其將亡矣。其將亡矣。而聖人乃自繫于植

桑不亡也。文選曹元首猶紂囚文王於羑里之獄。四臣

獻珍異之物而終免於難。繫于苞桑之謂。集

上九傾否先否後喜

否終反泰。故傾卦體下爲先。上爲後。否成於三。故先否。下反於初。成益體震。於時爲春。春秋繁露曰。春蠶也。蠶蠢然喜樂之貌。故後喜。

同人。

初九同人于門

錢大昕曰。初九辰在子。上值危。危爲蓋屋。

案史記天官書云。危爲蓋

屋。索隱曰。朱均云。危上一星高。旁兩星隋下。似蓋屋也。正義曰。蓋屋二星在危南。主天子所居宮室之官也。

故有門戶之象。

潛研堂文集

六二同人于宗

鄭云天子諸侯后夫人無子不出

儀禮士昏禮疏

張

為木離為火火者木之子而焚木故象無子宗尊也后夫人無子不出尊之如故

案白虎通宗

廟篇曰宗者尊也二互巽辰在巳上值張附星天廟

開元

占經引甘氏曰天廟祭祀示民不忘

后夫人無子不出未與廟絕故云同

人于宗

九三伏戎于莽升其高陵三歲不興

三艮爻位近丑上值斗甘氏曰南斗主兵

開元占經

故有戎

象三得巽氣巽為伏

虞翻注

又為草莽

虞翻注

三辰在辰

上值氏。史記天官書氏為天根。故云伏戎于莽。莽鄭云

叢木也。釋文三艮爻。艮為山陵。虞翻繫下注三得巽氣。巽為

股。又為高。卦俱說故云升其高陵。崔憬曰。一爻為一歲。自

三至五。頻遇剛敵。故三歲不興。集解

九四乘其墉弗克攻

墉。詩皇矣以伐崇墉。傳城也。二至四互巽為庸。虞翻注辰

在巳。上值少微垣長垣。石氏曰。長垣四星。城邑相包。開元

占四在三上。故曰乘。四辰在午。上值七星。列宿占曰。七

星主兵。開元占經四得離氣。離為甲冑。為戈兵。卦說故四欲攻

二四失位。故弗克攻。

九五同人先號咷而後笑。大師克相遇。

五與二應。二互巽爲號咷。

虞翻注

故先號咷。同人師旁通。

師二體震。於時爲春。春秋繁露曰。春蠢也。蠢蠢然喜樂

之貌。故後笑。五辰在申。上值參觜。王昶引郝萌云。參伐

星大則兵起。又西官候曰。觜觶主斬刈。石氏曰。觜觶者。

三軍之候也。

開元占經

故云大師克之者何。殺之也。

公羊傳

二

至五體姤遇也。

雜卦

故云大師克相遇。

上九同人于郊。

上九辰在戌得乾氣乾鑿度云乾位西北故為郊

大有

初九无交害匪咎艱則无咎

害謂四也四辰在午得離氣離為惡人虞翻注故无交害

无應宜咎以惡人宜遠故匪咎四變應初體坎為艱虞翻

大壯上六注艱則无咎

九二大車以載

二坎爻坎為車虞翻小畜上九注位近子上值危附星車府見師

三故有車象易例陽大陰小九二陽爻故稱大車二虛

任受九剛任行。故大車以載。大有下體乾。辰在戌。上值奎。開元占經引荊州占曰。
王良或占車。騎亦車象也。

九三公用亨于天子。小人弗克。

天子謂五也。九三辰在辰。上值紫微垣三公。晉志曰。杓南三星及斗魁一星。西三星。皆曰三公。主宣德化。和七政。調陰陽之官也。京房曰。獻也。釋文傳所謂天子降心以逆公者。是也。小人謂四。不克當天子之亨。故曰小人弗克。

九四匪其彭。无咎。

姚信云。彭旁也。

釋文

案易說云。古旁彭通。詩云。祝祭于祊。祊謂門旁。故祊从示。从旁。省說文。

作繁然則祊。或从彭。惠士奇云。初變四。四不正。疑有害。或从旁者。其義一也。

然四匪其旁。惟其正。謂旁行而不流。故不失其正也。案

四震爻。辰在卯。上值房。石氏曰。房。三光之正道。人天之

定位。

開元占經

故云匪其旁。无咎。

六五厥孚交如。威如吉。

王昶云。六五辰在卯。卯與九二爻辰比。故大有五曰。厥

孚交如。上值角。附星折威。

案開元占經引石氏曰。折威者。天子執法之徒也。故

又曰威如。

春融堂集

上九自天祐之吉無不利

王昶云。上九辰在戌。上值中宮五帝座。張衡曰。五帝同明而光。則天下歸心。故大有上九曰。自天祐之。春融堂集

謙

初六 用涉大川

三體坎爲大川。

京房大畜彖傳注

辰在子。上值天潢。史記索隱

引元命包曰。潢主河渠。所以度天神。通八方。宋均注云。天潢。天津也。津。湊也。主計度也。初欲往四。故用涉大川。

六一鳴謙貞吉

六二辰在酉得兌氣兌爲口說卦故鳴謙得正處中故貞吉。

九三勞謙君子有終

九三在坎中坎勞卦也。

說卦集解引荀曰體坎爲勞終下二陰君子有終故吉

勞謙九三又艮爻說卦艮東北之卦也萬物之所成終而所成始也艮於辰在丑爲星紀分野略例云星紀者言其統紀萬物十二月之位萬物之所終始三上值之故有終。

六四 撝謙

荀爽云。撝猶舉也。

集解

鄭讀爲宣。

文釋

案左氏宣十二年傳。

寵光之不宣。注。宣。揚也。揚亦舉也。六四辰在丑。得艮氣。

艮爲手。

說卦

眾欲以手撝三。使上居五。故曰撝謙。

六五不富。以其鄰利用侵伐。

六五辰在卯。上值房石氏曰。房主財寶。

開元占經

故有富象。

荀爽曰。自四以上乘陽。乘陽失實。故皆不富。五居中有。

體。故總言之。

集解

莊二十九年左氏傳。凡師有鐘鼓曰。

伐。無曰侵。六五離爻。辰在午。上值七星。列宿占曰。七星。

主兵。

開元占經

故說卦云。離爲甲冑。爲戈兵。五虛无君。三來。

侵伐故利用侵伐。

上六 利用行師征邑國

王昶曰。上六辰在巳。上值內宮天權。一名伐星。石氏曰。

主天理。伐無道。故謙上六曰。利用行師。征邑國。春融案。

上六又兌爻。位近酉。上值昴畢。西宮候曰。昴主兵。開元

史記天官書曰。畢曰罕車。爲邊兵。又曰。昴畢間爲天街。

其陰。陰國。陽。陽國。正義曰。天街三星在昴畢間。主國界。

也。街南爲華夏之國。街北爲夷狄之國。五之正。已得從。

征。故利用行師。征邑國。

鄭氏爻辰補卷二

丹徒戴 棠著

豫

雷出地奮豫先王以作樂崇德殷薦之上帝以配

祖考

張惠言曰豫震上坤下帝出乎震卽上帝也萬物本乎
天。人本乎祖。乾信爲神。坤誥爲鬼。豫坤配震故祖考配
天也。震上值房心爲天帝之明堂。九四爻辰在午。太微
五帝之廷。四郊明堂象也。坤爲土。互艮爲山。帝居其上。

圜工郊兆象也。凡配帝之祭有三。祭法祭昊天于圜工。曰禘。祭上帝于南郊曰郊。祭五帝五神于明堂曰祖宗。禘。畧郊稷祖文王。宗武王。周官大司樂三禘之樂。首言圜工六變。則配祖考中當有圜工。注引孝經成文。故略之耳。作樂以象功。配帝亦以功。故取諸豫。周易鄭荀義

初六鳴豫凶

初六巽交位近已。上值軫。甘氏曰。軫主樂府歌謠之事。文獻通考初不勝其豫。而以自鳴。故凶。

六二介于石

二互艮爲石。

說卦介釋文云古文作𠩺。鄭云謂磨𠩺也。

融本作𠩺云觸小石。贊鄭云磨𠩺即馬義。

六二辰在酉。上值昴附星礪石。

元

占經引甘氏讚曰礪石砥刃百工淬治。

宋史天文志礪石四星在五車星

西主百工磨礪鋒刃故云介于石。

六三盱豫

六三兌爻辰在酉。上值昴。巫咸曰昴爲天耳目。

開元占經故

有盱象盱。鄭云夸也。

釋文盱釋文引子夏傳作紆。張惠言云紆緩亦夸大之意或即鄭

義說文云張目也案張即夸意在陰故豫

九四 朋盍簪

豫小畜旁通小畜四體兌為朋。注虞翻盍釋詁云合也。簪

鄭云速也。釋文案于夏張揖皆訓言朋友相合之速

也。九四辰在午上值少微天官星占云少微一名處士

明而黃澤即賢士舉用。北堂書鈔故云朋盍簪

六五貞疾恆不死

六五辰在卯上值氏史記天官書曰氏主疫索隱云宋

均曰疫疾也三月榆莢落故主疾疫也五得震氣震為

反生。注虞翻故不死

上六冥豫成有渝

鄭注冥讀爲鳴

釋文

案上六兌爻兌爲口

卦說

故鳴上辰在

巳上值軫甘氏曰軫主樂府歌謠之事

文獻通考

上不勝其

豫而以自鳴非渝不可故成有渝

隨

大亨貞无咎而天下隨時

隨上互巽辰在辰上值亢附星大角莊存與云大角爲

天棟正經紀左右攝提主建時節

史記天官書大角者天王帝廷其兩旁各

有三星鼎足句之曰攝提攝提者直斗杓所指以建時節故曰攝提格

隨時之所以爲大

也味經齊

道書

初九官有渝貞吉出門交有功

官蜀才作館

九經古義云穆天子傳云官人陳牲聘禮云管人布幕于寢門外鄭注管猶館也古

文管

案初九辰在子上值危郅萌曰危爲舍屋之事爲

蓋屋將有蓋屋之事則占於危

開元占經

故有館象荀九家

云渝變也

徐文靖云孫奭孟子疏曰心君主官者也

亦謂之官者以其主思故亦爲官矣荀子云心君也房

中虛而治五官者也案初九震爻辰在卯上值心星故

稱官說文卯象開門之形故象出門鄭注震爲大塗又

爲日門當春分陰陽之交也是臣出君門與四方賢人

交有成功也。集解

六二係小子失丈夫

小子謂五兌為少。虞翻注故曰小子。丈夫謂四。體大過九

二為老夫。大過二互乾。辰在戌。父老之象。鄭康成上

得乾氣。父二應在巽為繩。說卦故稱係二承四隔三故失

老之象。案大戴禮記本命。丈夫者長也。夫者扶也。言長萬物

也。意林四引風俗通義十尺曰丈夫。成人之長也。夫

者膚也。言其智膚敏

宏教也。故曰丈夫。

六三係丈夫失小子

四體大過九二為老夫。大過二互乾。辰在戌。父老之象。

三與四爲巽。故稱係初震長男爲小子。係四失初。故失小子。

九四 有孚在道以明何咎

有孚謂五也。案九四震爻辰在卯。說卦震爲大塗。鄭注。國中三道曰塗。震上值房心。塗而大者。取房有三塗焉。
朱漢上易 許見 復初九履九二 故云有孚在道三之正體離爲明 陸績
傳注 四變應初。故曰以明何咎。

九五 孚于嘉吉

嘉謂嘉禮也。
惠棟云周禮大宗伯以嘉禮親萬民以昏冠之禮親成男女。隨之時義。陰係於陽。合

於嘉禮。案九五坎爻辰在子。上值女。史記正義曰。須女主布帛裁製嫁娶占。文二年公羊傳云。娶者大吉也。故云孚于嘉吉。

上六 王用亨于西山

隨。自否來。否五體乾爲王。亨。陸續云。祭也。釋文上六辰在

巳。上值張。隋志云。張主宗廟。故有亨象。上六又兌爻。兌

正秋。屬西方。四互艮爲山。說卦故云王用亨于西山。

蠱

終則有始

蠱下體巽辰在巳上值角軫。莊存與云角始也軫終也。終則有始。蠱與恆皆著之以是爲天星二十有八舍之終始也。味經齋遺書

初六幹父之蠱有子考

初六辰在未上值井附星子。

見蒙六五注

父以有子而稱考。

故云有子考。曲禮曰生日父母死曰考妣是也。

九二幹母之蠱不可貞

蠱自泰來泰以乾爲主惟二承五象母蠱案六五離爻辰在午上值七星附星軒轅。石氏曰軒轅南端明者女。

主也。母也。開元占經故云幹母之蠱失位故不可貞。

九三幹父之蠱小有悔无大咎

九三辰在辰上值軫附星長沙石氏曰長沙星明王者

保慶子孫昌。開元占經故幹父之蠱三上敵應故小有悔三

得位故无大咎。

六四裕父之蠱

六四巽爻位近辰上值軫晉書天文志曰長沙一星在

軫之中明則子孫昌四陰體大過本末弱故裕。晉罔字裕虞注

坤弱為裕此爻注云裕不能爭也案弱故不能爭。

六五幹父之蠱用譽

六五辰在卯。上值心。石氏曰。心中大星。天王位。前後小星。子屬。以開德發揚。開元占經。故幹父之蠱。譽謂二也。二五失位。變而得正。故用譽。

上九不事王侯高尚其事

鄭云。蠱上九艮爻。艮爲山。辰在戌。得乾氣。父老之象。是臣之致事也。故不事王侯。是不得事君。君猶高尚其所爲之事。禮表記疏。惠棟云。王制載三王養老之事云。八十者一子不從政。九十者其家不從政。是不事王侯之事也。小雅笙詩序云。南陔。孝子相戒以養也。白華。孝子之絜白也。是規老歸養乃事之最高者。故臣

不得事君。君猶高。尚其所爲之事也。

臨

至于八月有凶

莊存與云。復无疾心也。臨有凶。口也。天譴卷舌。九州殊口。以言爲說者。天道常閉之矣。

味經齋遺書案臨下體兌辰在酉上值昴附

星天譴卷舌。故莊氏云然。

初九咸臨

咸彖云。咸。感也。初辰在子。得坎氣。坎爲心。荀九家明初與四應。以心相感。故曰咸臨。

九二咸臨

六五辰在卯。上值心。開元占經引石氏曰。心者宣氣也。二五相感以心。

故亦曰咸臨。案九二亦坎爻。坎爲心。故二與初爻辭同。

六三甘臨

董子曰。甘者。中央之味也。臨上體坤。三又互坤。辰在未。未爲土。土於五方屬中央。故甘。二升五臨三。故甘臨。

六四至臨

至。說文。鳥飛從高下至地也。從一一。猶地也。象形。不上去而至下來也。案六四互坤。辰在未。上值井鬼柳。井鬼

爲鶉首之次。分野略例自東井十六度至柳入度於辰在未爲鶉首南方七宿其形象鳥以井爲冠以柳爲口鶉鳥也。柳爲鶉火之次。見師六五注爾雅曰柳鶉火也柳七星張南方之中宿也。故曰火有鳥象。鳥飛從高下至地爲至卦氣從四至初亦爲至。故曰至臨。

六五知臨大君之宜吉

六五辰在卯。得震氣。震爲帝。虞翻履彖注故爲大君。卯上值

房四星。馬庚吉曰房爲明堂。天子布政之宮。案太平御覽六引大

象列星圖曰房四星去氏十五度爲明堂布政之宮。故曰知臨大君之宜吉。

上六敦臨

敦詩北門王事敦我傳云厚也。上六兌爻辰在西。上值五車。石氏曰五車凡五星在畢昴北大陵東次東南星名曰司空鎮星也。開元案鎮星主中央主土土厚載物故曰敦臨。

觀

初六童觀

童鄭云穉也。

釋文說文人部云童未冠也是本字為僮今經典僮童皆互易。

案初六

辰在未上值井附星子孫。

見蒙六五注

故稱童惠棟云呂氏

春秋曰上尊下卑則不得以小觀上。初以小觀上故曰

童觀。

六二闕觀利女貞

觀下體坤爲戶。

姚信乾文言注

六二離爻。離爲目。

卦說

以離目從

門窺。故曰闕。

方言云闕視也。凡門竊視。南楚謂之闕。

離位近午。上值七星

附星軒轅。邳萌曰。軒轅女主之廷也。

開元占經

故闕觀利女

貞。

六三觀我生進退

荀九家曰。我謂五也。生者教化生也。

集案

九五坎爻。辰

在子。上值紫微垣天柱。隋志云。天柱建政教立圖法之

府也。常以朔望日垂禁令於天柱。以示百司。卽周禮所謂以正歲之日。示法象魏者也。三欲進觀於五。四旣在前而三故退。故曰觀我生進退。

六四觀國之光利用賓于王

六四辰在巳。上值翼。聖洽符曰翼者賓客也。開元占經九五

辰在申。上值畢。附星諸王。郅萌曰。諸王主朝會。又曰。諸

王星明。則羣下附從。開元占經以四觀五。故曰觀國之光。利

用賓于王。左傳陳敬仲初生筮之遇觀之否。周史以爲有山之材而照之以天光。於是乎居土上。故

曰觀國之光。庭實旅百。奉之以玉帛。天地之美具焉。故曰利用賓于王。杜元凱注云。四爲諸侯。變乾有國。朝王

之象。艮爲門庭。乾爲金玉。坤爲布帛。諸侯朝王。陳黃帛之象。

九五觀我生

與六三觀我生解同。

上九觀其生

其指三生。謂教化生也。案三五互艮。辰在丑。上值紫微垣。

天柱。甘氏讚曰。天柱立政。朔望懸書。開元占經以上觀三故。

云觀其生。案九五觀我生。上九觀其生。九家注散佚。以六三苟注推之。五上兩爻生字。皆當作教化。

生解。

噬嗑

初九履校滅趾

趾釋名云止也言一進一止也案初九辰在子得坎氣坎爲校虞翻注干寶云履校貫械也集解以械爲履足沒械下故曰履校滅趾

六二噬膚滅鼻

二互艮爲膚又爲鼻虞翻注釋文引馬融云柔脆肥美曰膚二辰在酉得兌氣兌爲口卦說鼻在口上噬膚過深故云滅鼻

六三噬腊肉遇毒

三辰在亥論衡物勢亥其禽豕也上值奎史記天官書

曰奎為封豕。

正義奎一日天豕亦曰封豕

離日在上。豕肉受日之暎。

為腊。說文。管乾肉也。從殘肉。日以晞之。

釋文引馬融云晞于陽而爆于

火曰腊。周語曰。厚味實腊肉。注云。腊。久也。味厚者為毒久。

故噬腊肉遇毒。

噬嗑下體震辰在卯。上值氏。莊存與云氏為宿宮。上有天乳。是知腊毒。案三居

震上故噬腊肉遇毒。

九四噬乾肺得金矢

肺。鄭云。簀也。

釋文

其義未詳。或字之訛也。案馬融云。有骨

謂之肺。

釋文

九四辰在午。南方屬火。得離氣。離為乾卦。故

云乾肺。離本乾所變。乾為金。

說卦

離之陽畫亦為金。離又

為兵矢。陸績注故噬乾肺得金矢。

六五噬乾肉得黃金

爻例陰稱肉。五陰離位。離火乾之。故云乾肉。離剛畫為金。離得坤中爻。坤為土。色黃。離辰在午。上值張。南宮候曰。張者為廚。黃帝占曰。張主帝之珠玉寶物。並開元占經故云噬乾肉得黃金。

上九何校滅耳

上九辰在戌。得乾氣。乾為首。卦說上為首。故五為耳。鄭云。離為槁木。坎為耳。木在耳上。何校滅耳之象也。集解臣從

君坐之刑。書康誥疏

賁

初九賁其趾舍車而徒

趾鄭云足也。釋文初與四應四體震爲足。說卦故云賁其趾。

三坎爲車。虞翻注辰在子上值危附星車府。詳見大有九二故有

車象初爲元士義弗得乘故舍車而徒。

六二賁其須

六二辰在酉得兌氣兌爲口。說卦又爲輔頰。九家須說文

云面毛也。毛在口頰上故云賁其須。

九三賁如濡如

盧氏曰有離之文以自飾故曰賁如也有坎之水以自

潤案二互坎故曰濡如也集案離辰在午屬火坎辰在子屬

水故盧氏云然

六四賁如皤如白馬翰如

鄭云六四巽爻也有應於初九欲自飾以適初既進退

未定故皤如也皤釋文引鄭作蹠音煩案顧氏易本音從鄭作蹠周易音略云蹠翰為顧

白馬翰如謂九三位在辰得巽氣為白馬翰猶幹也見

六四適初未定欲幹而有之禮檀弓疏周易述云檀弓曰殷人尚白戎事乘翰

鄭彼注云翰白色馬也。巽爲白故白馬翰如。鄭氏謂六四巽爻也。此經以翰爲乾用易家說故與禮不同。

六五賁于邱園束帛莛莛

賁上體艮爲邱。通卦驗

六五離爻辰在午上值柳史記天

官書柳爲鳥注主草木園圃毓草木故賁飾邱陵以爲

園圃隱士之象也石氏星讚曰少微四星逸士位。

開元占經

漢書李尋傳少微處士爲比爲輔。

案少微近午宮

古者招士必

以束帛加璧於上。

賁困旁通困九五辰在申上值鬼開元占經引黃帝占曰與鬼南星積布

帛故云束帛莛莛

子夏傳曰五匹爲束三元二纁象陰陽莛莛

馬融云委積貌也。

並釋文

上九白賁

上九辰在戌西方色白故云白賁。

剝

初六剝牀以足

夬剝旁通夬初震爻辰在卯上值紫微垣天牀甘氏讚

曰天牀寢舍解息燕休

開元占經

初在下故爲足剝消夬自

初始故剝牀以足

六二剝牀以辨

鄭云足上稱辨謂近膝之下訕則相近曲則相遠故謂

之辨辨分也。

集解

案夬剝旁通。夬二辰在寅。上值紫微垣。

天牀。文獻通考。天牀主天子寢舍解息燕休之處。夬消於剝。由初及二。初爲足。二在足上。故稱辨。

六三剝之无咎

上九辰在戌。得乾氣。鄭注乾鑿度云。乾純陽。眾皆剝陽。三獨應上。无剝害意。故无咎。

六四剝牀以膚

九四震爻。辰在卯。上值紫微垣。天牀。文獻通考。天牀在宮門外。聽政之象也。爲寢舍也。剝消夬至四。九變而六。

辰在丑得艮氣艮爲膚。

虞翻注

故云剝牀以膚。

六五貫魚以宮人寵

六五辰在卯。上值尾。文獻通考。尾第一星后也。次三星夫人。次則嬪妾。魚一星在尾後河中。主陰事。知雲雨之期。剝比五陰。駢頭相次。有似貫魚。魚爲陰物。六五爲眾陰之主。能有貫魚之次第。故云貫魚以宮人寵。董真卿周易會通引徐邈曰。貫穿也。

上九碩果不食。君子得與。小人剝廬。

上九艮爻。艮爲果。蔎位近丑。上值牛。附星織女。合誠圖。

曰織女主瓜果。

開元占經

故有碩果象。碩果而云不食者。乾

鑿度曰。剝當九月之時。陽氣衰消。而陰終不能盡陽。小

人不能決君子也。

汪喜荀曰。上九辰在戌。得乾氣。說卦乾為木果。故有碩果象。三已復位。有

頤象。頤中无

物。故不食。得京董作德。

釋文

案釋名云。德得也。得事宜也。疏證云。德說文

作惠。云外得于人。內得于己也。從直從心。今通用德。

案上九辰在戌。上值奎附星

王良。郊萌曰。王良。天子奉車。

開元占經

上得乾氣。乾為君子。

鄭康成乾

又為德。

姚信繫

禮運曰。天子以德為車。故曰

君子德車。乾為野。

虞翻同人象傳注

又為門。

姚信文

門在野外。

廬象也。卦變純坤為小人。

虞翻遊象注

鄭云。小人傲狠。當剝

廬舍而去。故曰小人剝廬。

周禮地官遺人疏

復

初九不遠復无祇悔

初九辰在干。上值虛。律書曰。虛者言陽氣冬則宛。

正義曰。宛。

音蘊。藏於虛。祖冲之曰。虛為北方列宿之中。元氣肇初。宜

在此次。故不遠復祇。鄭云。病也。

釋文。姚配中云。鄭初蓋以祇為疵之假借。初

得坎氣。坎為疾病。

虞翻履彖注

又為悔。

虞翻上繫注

出入無疾。故

无祇悔。

六二休復

休釋詁云美也。案初辰在子。得坎氣。坎爲美。虞翻節二九五注比初。故休復。

六三頻復无咎

頻鄭作顰。

釋文顰也。

案頻字本作顰。說文曰顰水涯人所賓附。頻顰不前而止。鄭作顰字通也。

案復姤旁通。姤三辰在辰。得巽氣。巽爲進退。爲不果。卦說姤變而復。陰陽氣通。故頻復厲。動而之正。故无咎。

六四中行獨復

六四辰在丑。上值女。文獻通考。女十一度下九尺。爲日月中道。故云中行。鄭云。爻處五陰之中。度中而行。四獨

應初。漢上易傳故云中行獨復。

六五敦復

五互坤。辰在未。屬土。坤爲積土。虞翻泰上注故敦。

上六迷復凶有災眚用行師終有大敗以其國君

凶至于十年不克征

上六體坤爲先迷。李鼎祚復上六注故迷復。鄭云。異自內生曰

眚。自外曰祥。害物曰災。釋文案上辰在巳。上值軫。黃帝占

曰。軫主察凶災。開元占經故有災眚。巳又值紫微垣天樞。

皇甫謐年厯曰。北斗魁一曰天樞。太白金之。開元占經案天

官星占曰。太白者金之精。白帝之子。大將之象也。初學記

故用行師。荀爽云。上行師而距於初。陽息上升。必消羣陰。故終有大敗。國君謂初也。受命復道。當從下升。今上六行師。王誅必加。故以其國君凶也。集解李鼎祚曰。坤主數十。十年之象。惠棟云。坤反君道。故不克征。

无妄

初九无妄往吉

九四辰在午。上值紫微垣文昌。黃帝占曰。文昌星黃潤澤光。萬民安吉。開元占經初往四。故曰往吉。

六二不耕穫不菑畲凶

案周易述云舊脫凶字故卦義不明禮記坊記有之

蓋七十子所傳

當得其實也

六二離父位近午上值張尚書考靈曜主春者張昏中

可以種稷

古微書

故云耕穫鄭云田一歲曰菑二歲曰新

田三歲曰畲

詩采芑疏一歲也董云反草也

畲音余又音賒馬云田

田三歲也董云悉耨曰畲

易例初二為地道故云菑畲易緯以无妄

為大旱之卦遭无妄之世天下雷行不能耕而穫不能

菑而畲故凶凶年也

无妄下體震辰在卯上值尾莊存與云民謂尾為犁星自无妄

而耕穫菑畲之

象見特未富也

六三无妄之災或繫之牛行人之得邑人之災

六三兌爻。上值昴附星天苑黃帝占曰天苑主苑牧犧

牲牛羊之屬。開元占經牛本三有。而失其有。故或繫之牛。上

體乾爲行人。虞翻注乾四據三。故行人之得。三互巽。辰在

巳。上值少微垣長垣。巫咸曰長垣四星。城邑相包。又上

值軫黃帝占曰軫主察凶災。並開元占經三繫於四。故曰邑

人之災。

九四可貞无咎

九四互巽爲咎。虞翻大壯上六注辰在巳。上值少微垣文昌黃

帝占曰文昌第五星為司中主司過詰咎。開元占經四變得位應初承五故可貞无咎。

九五无妄之吉勿藥有喜

九五辰在申上值參附星天屏石氏曰天屏星不具人

多疾。開元占經故曰无妄之疾卦上互巽為草木。李鼎祚否初六象注

下互艮為石。鄭康成乾鑿度注故稱藥九居五得位得正故勿

藥有喜。

上九无妄行有眚无攸利

四已正上動成坎為多眚。虞翻九五注故行有眚外互巽為

命令。陸績巽彖傳注辰在巳。上值北斗。元命包曰。斗為帝命。元開

占上柔乘剛。逆巽之命。故无攸利。

大畜

利涉大川

大畜下體乾。辰在亥。上值室。莊存與云。閣道絕漢抵營室。故利涉大川。

君子以多識前言往行以畜其德

亥上值壁。石氏曰。東壁主文章圖書府。開元占經故曰君子

以多識前言往行以畜其德。

初九有厲利已

初九辰在子。得坎氣。坎為疾。虞翻豫六五注又為災。虞翻遯初六象注故有厲。四辰在丑。得艮氣。說卦艮止也。趙歧孟子注已止也。四與初應。故利已。

九二輿脫輹

九二坎爻。坎為車。虞翻小畜上九注辰在子。上值危附星車府。

故象輿輹。或作輹。即老子所謂三十輻共一轂者。詳見小畜

脫馬融云。解也。釋文大畜下體乾辰在亥上值壁莊存與云天殷在其上。大畜之賁曰輿脫

輹其之損曰良馬逐逐。馳驚也。

九三良馬逐利艱貞曰閑輿衛利有攸往

三辰在辰上值軫文獻通考引張衡云軫主車駕故有

馬象逐逐鄭云兩馬走也釋文案釋文引姚信云逐逐疾並驅之貌義與鄭同

二已變三在坎中坎為艱庚翻大壯上六注故利艱貞三又

上值氏附星天輻巫咸曰天輻宰乘輿之官也開元案占經

周禮考工記周人尚輿車有六等之數戈也人也父也

戟也矛也軫也皆軫名蓋有馬則有輿有衛曰鄭云人

實反閑習日習車徒也釋文大畜下體乾辰在亥上值羽林天軍壘辟陳鉄鉞之屬

以設守衛示威武莊存與云九三日閑與衛天下雖安不忘教戰也

六四童牛之牯

六四辰在丑。論衡物勢丑土也。其禽牛也。困學紀聞季冬出土牛丑

為牛之證也。五箋集證云。乾鑿度孔子曰。復表日角。鄭氏注云。表者。人體之章識也。名復者。初震爻也。震之體

在卯。日出於陽。又初應在六四。於辰在丑。錢大昕云。丑為牛。牛有角。復人表象。是丑為牛之證。

上值牽牛。史記天官書。牽牛為犧。牲四得艮氣。艮為童。

虞翻注。釋名。牛羊之無角者曰童。柳榮宗說文引

經異字通釋云。說文辛部。童字注云。男有皐曰奴。奴曰

童。女曰妾。从辛。重省聲。人部。僮字注云。未冠也。从人。童

聲。則童牛之童。當為僮。今經典以童為童。幼字。僮為僮

僕字。互牯者。鄭云。巽為木。互體震。震為牛之足。足在艮

易已久。牯者。鄭云。巽為木。互體震。震為牛之足。足在艮

體之中。艮為手。持木以就足。是施牯。周禮大司寇疏

六五 豮豕之牙

豕。謂二也。九二坎爻。辰在子。上值室。案廣雅云。營室曰豕。而說卦云。坎爲豕。與天象合。豨豕。猶童牛也。釋獸曰。豨豕。豕子。豬豨。豨。豕幼。郭注。俗呼小豨。豬爲豨子。最後生者爲么豚。牙。鄭讀爲互。釋文。周禮。牛人凡祭祀。共其牛牲之互。徐邈。互音牙。是牙與互通也。

上九何天之衢

鄭云。艮爲手。手上肩也。乾爲首。首肩之間。荷物處。乾爲天。艮爲徑路。天衢象也。後漢書崔駰傳注。融云。四達謂之衢。馬案。上九。

艮爻。位近丑。上值牛。文獻通考。牛七度。日月五星之中。

道又甘氏曰。上二星主道路。故云何天之衢。

頤

初九舍爾靈龜觀我朵頤

錢大昕曰。初九辰在子。子為天龜。案周語云。日在天龜。又云。出自天龜。葦註。

天龜次名。一龜者。龜屬也。黎世序云。坎位元武。故為靈

龜。案文獻通考引宋中興天文志。北方黑帝其精元武。為七宿斗有龜蛇蟠結之象。牛蛇象。女龜象。虛危室

壁皆龜蛇。蟠蚪之象。朵。鄭云。動也。釋文爾我皆指初也。舍靈龜而觀

朵頤。去爾之聰明。而自以為我有口腹。故不足貴。

六二頤頤拂經于邱頤

釋言云顛頂也。上九辰在戌，得乾氣，乾為頂。虞翻大過上六注

故云顛顛。五體艮為邱。通卦驗經廣雅釋詁常也。拂劉氏

云違也。釋文二宜與五應。今遇五而求養於上，則違常。故

曰顛顛拂經于邱顛。

六三拂顛貞凶十年勿用

顛大過旁通。大過九三，艮爻也。位近丑，上值斗。荊州星

占云：南斗主爵祿。北堂書鈔案：爵祿所以養賢。顛以陰居三。

違於養道，故曰拂顛。三互坤數十。侯果損六五注故曰十年。坤

又為用。虞翻蒙初六注故十年勿用。

六四頤頤吉虎視眈眈其欲逐逐

顛頤解見初爻 六四辰在丑得艮氣艮為虎荀九家經義

述間云六四居艮之初艮亦為虎九家易說卦曰艮為虎是也蓋艮為山故又為虎說文曰虎山獸之君也說卦艮為黔喙之屬正義曰取其山居之獸鄭眈眈馬融注曰謂虎豹之屬貪冒之類是艮為虎也

並釋文

京房易

傳曰坤為虎刑柳雲驤云淮南高誘注曰虎土物也坤為土故為虎又文獻通考曰白虎金也金得其性則白虎見卦兩互坤坤位西方上值實沈之次畢觭參屬之謂虎指坤亦通

六五 不可涉大川

五之正。體坎爲大川。

虞翻本卦上九注

辰在子。上值女附星天

津。黃帝占曰。天津有變。水道不通。

開元占經

頤養成於上。五

雖之正。養道未成。故不可涉大川。

上九 利涉大川

上九之五。得正成坎。辰在子。上值女附星天津。文獻通考。天津九星。在虛危北。橫漢中。津梁所渡。故利涉大川。大過

初六 藉用白茅

初六辰在未。上值柳。史記天官書曰。柳主草木。

詳見賁六五

有茅象藉。說文云。祭藉也。周禮鄉師。大祭祀共茅藉。是也。

九二枯楊生稊。老夫得其女妻。

枯。鄭音姑。云謂無姑。山榆。稊。鄭作荑。云木更生。謂山榆

之實。

釋文。蕭墨經。史管窺云。大過九二。枯楊生稊。康成讀枯爲姑。蓋卽周禮壺涿氏。吐棒于賈象齒之

棒省文。吐棒。姑榆也。棒一作姑。釋木。無姑。卽釋草之莖。荑。急就篇云。莖荑無姑之實也。無姑一名棒榆。此鄭說之所本也。而俗說讀爲枯槁之枯。非是。案九二辰在寅。五行大義云。寅者

引也。物牙稍吐。引而伸之。移出於地也。故云枯楊生稊。

張惠言云。二體乾爲老。故老夫。下得巽在初。爲處女。故女妻。案九二坎爻。辰在子。上值女。甘氏讚曰。須女動。則嫁娶。將有嫁娶。占于須女。開元占經二與初比而得初。故老夫得其女妻。

九三棟橈凶

棟。六書故云。屋正中上衡也。九三互乾。辰在亥。上值危室。黃帝占曰。危爲廟堂。主柱。主蓋屋。以成帝宮。開元史記索隱曰。元命包曰。營室十星。埏陶精類。始立紀綱。包物爲室。故有棟象。卦上兌下巽。本末弱。故橈。

九四棟隆吉

九四辰在午。上值張。南宮候曰。張為天府。開元占經故有棟

象。初巽為高。卦說初四二爻。皆失位。易位則吉。故棟隆吉。

沈懋云。九四互乾。辰在亥。上值危室。開元占經引甘氏曰。危主架屋。又引地軸占曰。營室大人之宮。故棟隆。

九五枯楊生華老婦得其士夫

鄭注丈夫年過娶二十之女。老婦年過嫁於三十之男。

皆得其子。詩桃夭疏。周易鄭荀義巽在終為老婦。九

象山榆之花。五體兌為少。故士夫。坎水生木。兌澤灌之。故案九五坎爻辰在子。上值女。聖治符曰。

須女者主嫁娶事也。開元占經五過二應初。故老婦得其士

夫。

上六過涉滅頂

爻例上爲頂。上六兌爻。兌爲水澤。

虞翻注

位近西。上值胃

附星積水。石氏曰。積水星明。則大水出。

開元占經

案。涉深六

尺。以長爲深。則涉深六尺。過涉則水益深。頂沒兌水中。

故云過涉滅頂。

漢書趙溫云。一爲過。再爲涉。三而不改。滅其頂凶。

坎

初六習坎入于坎窞凶

干寶曰。窞。坎之深也。江河淮濟百川之流。行乎坎中。水

之正也。及其為災。則泛溢平地。而入于坎窞。是水失其道也。刑獄之用。必當於理。刑之正也。及其不平。則枉濫无辜。是法失其道也。集案初辰在未。上值井。晉書天文志。井主水衡。法令所取平也。王者用法平。則井星明。初以非法為法。猶之以水濟水。入之愈深。出之愈難。故曰入于坎窞凶。

九二 求小得

九二辰在寅。得艮氣。艮為求。虞翻蒙象注。又為小小。鄭康成

注故云求小得。得。謂得初也。

旅初六

六三 險且枕

險。鄭本作檢。云木在手曰檢。在首曰枕。釋案六三兌爻。

辰在西。上值昴。黃帝占曰。昴星大牢獄也。王者承天以

刑獄事。以檢注奢。開元占經。檢。卽桎梏之刑。此與上之係用

徽纆類。枕止也。虞翻注。三辰在亥。上值危。附星人星。文獻

通考。人星。一曰臥星。張惠言云。人臥則止。以枕止之。故

云檢且枕。

六四 樽酒簋二用缶納約自牖

鄭云。六四上承九五。又互體在震上。爻辰在丑。丑上值

斗可以斟之象斗上有建星

惠棟云建星六星在南斗北賈逵曰古黃帝夏殷周

魯歷冬至日在建星建星即今斗星也康成注月令云建星在南斗建星之形似簋貳副

也建星上有弁星

惠棟云古氏星經謂之天弁在建近河

弁星之形又如

缶天子大臣以王命出會諸侯主國尊于簋副設元酒

而用缶也

詩苑邱疏義者

周易鄭荀義云六四象大臣出會諸

侯四承九五天子大臣之象九二互體震為諸侯王人

位諸侯之上震動坎聚故四象出會諸侯尊簋貳缶主

國饗之之禮也經言拾遺云禮器曰五獻之尊門外

缶門內壺注云壺大一石缶大小未聞亦引坎四曰尊

酒簋貳用缶則此樽即

禮器所云五獻之尊也

九五坎不盈祗既平

九五坎爻。辰在子。子為元枵。爾雅元枵。虛也。郭注。虛在正北。北方色黑。枵之言耗。耗亦虛意。惟虛故不盈。祇鄭云。當為坻。小邱也。釋文。詩蒹葭宛在水中央。坻傳。坻。水中高地也。案。九五辰在申。得坤氣。坤為積土。虞翻泰上六注。故有坻象。

上六係用徽纆。寘于叢棘。三歲不得凶。

鄭云。繫拘也。爻辰在巳。巳為蛇。蛇之蟠屈。似徽纆也。公羊

疏。巳為蛇。詳見坤上六注。案。釋文引馬融云。徽纆索也。劉表云。三股曰徽。兩股曰纆。皆索名。言眾議於九

下也。張惠言云。坐嘉石者。常桎梏。此繫用徽纆。則將入

圜土者。置之外朝。議其罪也。上乘艮。艮為土。爻辰在巳。

乾位。乾爲圓。故象入園土。先賓叢棘。坎爲陷。在坎三爻。故三歲不得。案。已上值紫微垣天牢。開元占經引黃帝占曰。天牢。貴人之牢也。在北斗魁下。所以禁暴橫。故云。

離

賓于叢棘

畜牝牛吉

離爲牝牛。

九家說卦。離爲牛。離一陽居二陰之中。中美能黃。故六

二謂之黃離。牝牛之象。畜

離互巽兌。兌辰在酉。上值昴

之者。畜其類也。與九家合。

附星天苑。文獻通考。天苑主馬牛羊。天苑西有芻藁六

星。以供牛馬之食也。故云畜牝牛。

星。以供牛馬之食也。故云畜牝牛。

初九履錯然

初九辰在子。上值虛危。佐助期曰。虛危爲禮堂。開元鄭
禮記序曰。禮者履也。統之於心曰禮。踐而行之曰履。初
爲足。故爲履錯。釋文云。馬七路反。置也。案序卦云。有上
下。然後禮義有所錯。故履錯然。

六二黃離元吉

鄭云。離南方之卦。離爲火。土託位焉。土色黃。火之子。喻
子有明德。能附麗於父之道。文王之子發。旦是也。慎成
其業。故吉矣。文選。顏延年。應詔。燕曲水作詩注。初

學記。皇太子部。御覽一百四十六。

九三日昃之離不鼓缶而歌則大耋之嗟

三五兌為西。虞翻小畜日昃在西方故云日昃之離。集解

引荀爽日初為日出二為日中三為日昃鄭云艮爻也位近丑丑上值弁

星弁星似缶詩云坎其擊缶則樂器亦有缶。詩宛邱疏

位近丑據周天玉衡圖也丑為大寒艮為立春故云近也。徐文靖經言拾遺云爾雅盜謂之缶郭注缶盆也

又史記蘭相如使秦王鼓缶是樂器為缶也缶於易凡三見比初有孚盈缶則缶是注水之器坎四用缶注云

設元酒以缶則缶又酒器也。艮為手。說卦故為擊。三辰此云鼓缶則缶又樂器也。

又在辰上值軫文獻通考軫七星主樂府歌謠之事三

互兌為口。說卦故歌。鄭云大耋年踰七十。禮記疏億九年左傳伯

舅至老服虔案軫上有長沙。文獻通考長沙主壽命。長日七十日。案。沙明則人壽長。故云大塋。嗟。釋詁云。嗟也。

九四突如其來如焚如死如棄如

鄭云震爲長子。爻失正。又互體兌。兌爲附決。子居明法之家而無正。何以自斷其君父不志也。突如。張惠言云當作流。

震之失正。不知其所如。又爲巽。巽爲進退。不知所從。不

孝之罪。五刑莫大焉。用議貴之辟刑之。若如其所犯之

罪。焚如。殺其親之刑。死如。殺人之刑也。棄如。流宥之刑。

周禮秋官掌職疏案九四辰在午。上值七星附星內平。文獻通

考內平主廷平故世子不孝則以刑正之

六五出涕沱若戚嗟若

離爲目

說卦

鄭云自目出曰涕

漢上易

案五失位出離爲坎

辰在子上值虛史記天官書虛爲哭泣之事

索隱曰姚氏案荊州

占以爲其宿二星南星主哭泣虛中六星不欲明明則有大喪也

故出涕沱若坎又近

亥分野略例云自危十六度至奎四度於辰在亥爲誼

訾訾者歎息也故戚嗟若

上九王用出征有嘉折首獲匪其醜

五正爲王用謂用上九也上九辰在戌上值奎石氏曰

奎主庫兵。禁不時。開元占經故王用出征。上得乾氣。乾爲首。

說卦坤二五來折乾。故有嘉折首。醜類也。韋昭周語况乾

陽征得坤陰。故獲匪其醜。徐文靖云宣公十二年左傳

右入壘折敵執俘而還是折首。謂折敵也。獲匪其醜謂執俘也。